

10-03-2021

Sarajevo,

Broj:

18-044-12363

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br.10-33-4-11870 od 08.03.2021. godine, Generalna direktorica donosi:

ODLUKU

o izboru najpovoljnijeg ponuđača za
"Izvođenje podopolagačkih radova za potrebe KCUS-a"

I

Prihvata se prijedlog Komisije za javnu nabavku, Izvještaj br.10-33-4-11870 od 08.03.2021.godine za "Izvođenje podopolagačkih radova za potrebe KCUS-a", nakon provedenog konkurentskog zahtjeva i Okvirni sporazum dodjeljuje ponuđaču **EKO-GRADNJA d.o.o Sarajevo uz primjenu preferencijalnog tretmana domaćeg** u iznosu od 29.996,00 KM, a prema ponuđenim jediničnim cijenama, koje čine sastavni dio Okvirnog sporazuma.

Rok izvođenje radova u roku max. 60 dana po zahtjevu Tehničkog sektora.

Uslovi plaćanja: 60 dana od izvršenja radova i po ispostavljenom računu

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo.


OBRAZLOŽENJE

Klinički centar Univerziteta u Sarajevu (u daljem tekstu KCUS) pokrenuo je postupak javne nabavke na osnovu Odluke o pokretanju postupka br. 01-11-3-57415 od 09.12.2020.godine sa procijenjenom vrijednosti nabavke u iznosu od 30.000,00 KM bez PDV-a. Sredstva za predmetnu nabavku planirana su Planom javnih nabavki za 2020.god. pod klasifikacijom "Radovi" br.1 (Odluka o usvajanju Plana javnih nabavki KCUS za 2020.godinu broj: 04-02-32337 od 16.07.2020.godine). Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta SRPA br.56-11-3-48475 od 26.10.2020. godine). KCUS je 10.12.2020. godine objavio Obavještenje o nabavci broj: 893-7-3-842-3-537/20 na portalu e-Nabavke zajedno sa tenderskom dokumentacijom za izvođenje podopolagačkih radova za potrebe KCUS-a, putem konkurentskog zahtjeva. Za predmetni postupak je planirano provođenje e-aukcije.

U skladu sa članom 88. Zakona o javnim nabavkama poziv za učešće u postupku javne nabavke putem e -maila upućen je slijedećim ponuđačima: EKO-GRADNJA d.o.o Sarajevo, P&A GRADNJA d.o.o Sarajevo i Bhplastika d.o.o.Tendersku dokumentaciju za postupak javne nabavke preuzelo je 13 potencijalnih ponuđača: AMG d.o.o Mostar INTERART, BBS EUROPE, EKAPIJA d.o.o, EUROKAPIJA d.o.o Ilidža, P&A GRADNJA d.o.o Sarajevo, SPORT NET INŽENJERING, TIM COMPANY d.o.o, EKO-GRADNJA d.o.o Sarajevo, ATRAKTIV d.o.o, ASTRA PLAN d.o.o, DŽEKOS d.o.o Sarajevo i GRADPROM d.o.o Srbac.

Na tendersku dokumentaciju uložena je žalba od strane potencijalnog ponuđača, nakon što je od žalba odbijena kao neosnovana a postupajući po Rješenju Ureda za razmatranje žalbi br.JN2-03-07-1-3780-7/20 od 21.01.2021.godine, postupak je nastavljen, te je došlo do izmjene tenderske dokumentacije na način da je prolongiran termin preuzimanja Tenderske dokumentacije i termin dostavljanja i otvaranja ponuda.

Izmjenu i dopune tenderske dokumentacije preuzelo je 6 potencijalnih ponuđača: GRADNJA d.o.o Sarajevo, EKAPIJA d.o.o,TIM COMPANY d.o.o,GENERAL KONSTRUKCTIONS d.o.o Sarajevo BAUDOM d.o.o Sarajevo, BBS EUROPE i GRADPROM d.o.o Srbac.



Do vremena naznačenog u Ispravci za obavještenje o nabavci br.893-7-3-842-31/21 od 28.01.2021.godine do 15.02.2021.godine do 09 h i 30 min na Protokol Klinčkog centra Univerziteta u Sarajevu dostavljena su dvije (2) ponude ponuđača:

Redni broj	Ponuđač	Broj protokola	Datum pristizanja ponude	Vrijeme pristizanja ponude	Ukupna cijena ponude bez PDV-a
1.	EKO-GRADNJA d.o.o Sarajevo	10-11-3-7833	12.02.2021	14:25 min	29.996,00 KM
2.	P&A GRADNJA d.o.o	10-11-3-7921	15.02.2021	09:30 min	22.630,00 KM

Zapisnik o javnom otvaranju ponuda broj:10-33-4-8187 od 16.02.2021.godine u zakonski predviđenom roku dostavljen je putem fax-a ponuđačima učesnicima postupka javne nabavke.

Komisija imenovana Odlukom broj: 01-04-4-58678 od 16.12.2020.godine, pristupila je provjeri dokumentacije dostavljene uz ponude i konstatovala je da su ponude ponuđača EKO-GRADNJA d.o.o Sarajevo i P&A GRADNJA d.o.o. formalno-pravno i tehnički ispravne.

Imajući u vidu da je za ovaj postupak javne nabavke predviđeno provođenjem e-aukcije u skladu sa Pravilnikom o uslovima i načinu korištenja e-aukcije (Sl.glasnik 66/16), Komisija je sačinila Zapisnik o pregledu i ocjeni ponuda br:10-33-4-9021 od 19.02.2021.godine i izmjenu i dopunu Zapisnika o pregledu i ocjeni ponuda br:10-33-4-9021-1 od 26.02.2021.godine, na osnovu kojeg je zakazana e-aukcija za 02.03.2021.godine.


U tenderskoj dokumentaciji tačkom 8. predviđeno je da za primjenu preferencijalnog tretmana domaćeg potrebno da ponuđači dostave:"Izjavu ponuđača da su uposlenici više od 50% rezidenti BiH, uz listu osiguranih lica, izdatu od strane Porezne uprave (potvrda ne može biti starija od 3 mjeseca).

Ponuđač EKO-GRADNJA d.o.o Sarajevo dostavio je navedene dokaze za primjenu preferencijalnog tretman domaćeg. Ponuđač P&A GRADNJA d.o.o. nije popunio Izjavu i nije dostavio listu osiguranih lica, izdatu od strane Porezne uprave, te se kod njega nije mogao primjeniti preferencijalni tretman domaćeg kod provođenja e-aukcije.

Konačna rang lista ponuđača nakon provedene e- aukcije:

PODACI IZ PONUDE	1.	2.	3.	4.
Naziv ponuđača	Cijena ponuda prije e-aukcije	Cijena ponuda nakon e-aukcije	Umanjene cijene	Preferencijalni tretman domaćeg
EKO-GRADNJA doo	29.996,00 KM	29.996,00 KM	%	DA
P&A GRADNJA d.o.o.	22.630,00 KM	22.630,00 KM	%	NE

Budući da je cijena zadovoljavajuće ponude u okviru osiguranih sredstava za nabavku, te da je u konkurentskom zahtjevu zadovoljena transparentnost, Komisija je dala prijedlog, Izvještaj br. 10-33-4-11870 od 08.03.2021.godine, da se za "Izvođenje podopolagačkih radova za potrebe KCUS-a", donese Odluka o izboru najpovoljnijeg ponuđača i Okvirni sporazum dodjeli ponuđaču EKO-GRADNJA d.o.o Sarajevo uz primjenu preferencijalnog tretmana domaćeg uz iznosu od 29.996,00 KM bez PDV-a.Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA
 Prof.dr. *Sebilja Izetbegović*

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Izetbegović